

शक्ति आप अवतार लियो है,
इन कलजुग री माई मेरी माँ,
जय बोलो आई मात री,
इन कलयुग एक ही आसरो,
आईजी रो धाम मेरी माँ,
जय बोलो आई मात री,
जय बोलो आई मात री ॥

मांडल गढ सु आप पधारीया,
भीका डिकरी राय मेरी माँ,
जय बोलो आई मात री,
पेलो परचो जेठलजी ने दिनो,
माला मे ज्योत जगाई मेरी माँ,
जय बोलो आई मात री,
पोटीयो लिनो माजी साथ मे,
चुटीयो लिनो हाथ मेरी माँ,
जय बोलो आई मात री,
माजी पाला वेतो पधारीया,
थोता किना पाल मेरी माँ,
जय बोलो आई मात री,
जय बोलो आई मात री ॥

वटासु माजी आप पधारीया,
गाँव डायलाणा माय मेरी माँ,
जय बोलो आई मात री,

एक ही परचो उटे दियो माँ,
हलरो बडलो दिनो रोपाय,
जय बोलो आई मात री,
वटासु माजी आगा चालीया,
मरूधर देशा माय मेरी माँ,
जय बोलो आई मात री,
कटे किदो माजी एक ही पोटीयो,
कटे किदो माजी ए किनार,
जय बोलो आई मात री,
जय बोलो आई मात री ॥

आईजी बिलाडे पग दियो माँ,
घर हाम्बडो री पोल मेरी माँ,
जय बोलो आई मात री,
गाया भैसा देखी मोखली,
धीना री घमसोल मेरी माँ,
जय बोलो आई मात री,
पोटीयो बांध्यो माजी पोल मे,
दिदो खिड़की में पाव मेरी माँ,
जय बोलो आई मात री,
छोटी सी बांधो हाम्बडो रे,
झूपडी बसु गवाडी रे माय मेरी माँ,
जय बोलो आई मात री,
जय बोलो आई मात री ॥

आगे माजी शपत मोखली,
सुनजो जोगन मात मेरी माँ,
जय बोलो आई मात री,

भैसा बिखोरे थारी झूपडी,
गाया खोचे रोल मेरी माँ,
जय बोलो आई मात री,
हाम्बड़ हलता बोल्या आई ने,
दिदो पोटीया ताड मेरी माँ,
जय बोलो आई मात री,
राजा मारे आतो डोकरी,
बैठी गवाडी रे माय मेरी माँ,
जय बोलो आई मात री,
जय बोलो आई मात री ॥

अबका मत थे बोलो हाम्बडो,
राखो रोटी रो चूरमो थे आज,
जय बोलो आई मात री,
भैसा रा भाटा रे होवसी,
गायो ने ले जावे चोर,
केवे आईजी साम्भलो,
जय बोलो आई मात री,
बहुवा दोद लकी है बैठी,
बेटा जानी रोल मेरी माँ,
जय बोलो आई मात री,
पाची नही आवे आ पुचडी,
वैकुण्ठा घर माई मेरी माँ,
जय बोलो आई मात री,
जय बोलो आई मात री ॥

आदी दिनी एतो भेदवा,
बोया है जोगन माँ आय,

जय बोलो आई मात री,
एक ही परचो माजी देवीयो,
घर हाम्बडो री पोल मेरी माँ,
जय बोलो आई मात री,
हाम्बडा सु माजी पुच कियो,
जद आया राठौडा री,
पोल मेरी माँ,
जय बोलो आई मात री,
पोटीयो बांध्यो माजी नीम रे,
खिड़की में दिदा पाव मेरी माँ,
जय बोलो आई मात री,
जय बोलो आई मात री ॥

शक्ति आप अवतार लियो है,
इन कलजुग री माई मेरी माँ,
जय बोलो आई मात री,
इन कलयुग एक ही आसरो,
आईजी रो धाम मेरी माँ,
जय बोलो आई मात री,
जय बोलो आई मात री ॥

Singer Shyam Paliwal Ji
प्रेषक मनीष सीरवी
9640557818

Source: <https://www.bharattemples.com/shakti-app-avtar-liyo-hai/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>